

Resolución lumero 46

Asunto: Os verbos con rematanza en *-iar*.

Testo d'a resolución

1. Os verbos con rematanza en *-iar*, tipo *bandiar*, *carriar*, *dondiar*, tienen tamién en infinitivo formas en *-ear*, *-eyar*, pero son muito menos esparditas. Por ixo, se consideran como formas de referencia en aragonés común as formas con infinitivo en *-iar*. Exemplos: *bandiar*, *carriar*, *dondiar*, *cambiar*, *dandaliar*, *estudiar*, *foriquiar*, *churriar*, *coxiar*, *fustiar*, *chumiar*, *blanquiar*, *barriar*, *guerriar*, *atrapaziar*, *acotraziar*, *palpiar*, *portiar*, *tiritiar*, *clariar*, *tardiar*, *cacoliar*, *trastear*, ez.

2. Entre os verbos con rematanza en *-iar* bi ha un grupo importán de verbos frecuentatibos. Ejemplos: *plebizniar*, *ploramiquiar*, *estrucaziar*, *estusiquiar*, *truquetiar*, *espolbaraziar*, *esbolaziar*, *fumarriar*, ez.

3. Os verbos con rematanza en *-iar* tienen una peculiaridá en a conchugación d'os presens, tanto d'indicatibo como de suchuntibo. As presonas primera e segunda de plural tienen diftongo *-ia-* en o presén d'indicatibo: *bandiamos*, *cambiaz*; diftongo *-ie-* en o presén de suchuntibo: *bandiemos*, *carriez*. As demás presonas tienen iyato, que en o presén d'indicatibo dandalea entre *-ío*, *-ías*, *-ía...* *-ían* / *-eo*, *-eas*, *-ea...* *-ean* / *-eyo*, *-eyas*, *-eya...* *-eyan*. Asinas, por ejemplo: *bandío* / *bandeo* / *bandeyo*, *estudías* / *estudeas* / *estudeyas*, *cambían* / *cambean* / *cambeyan*. A forma en *-eo*, *-eas*, *-ea...* *-ean* no solamén ye a más cheneral, sino tamién a que representa a forma intermeya de as tres barians. Por ixo se consella emplegar como forma de referencia en aragonés literario común. Exemplos: *yo bandeo*, *tu estudeeas*, *el cambea*,... *ellas dondean*. En o presén de suchuntibo as presonas primera, segunda e tercera de singular e tercera de plural dandalean entre *-íe*, *-íes*, *-íe...* *-íen* / *-ee*, *-ees*, *-ee...* *-een* / *-eyen*, *-eyes*, *-eye...* *-eyen*. Por as mesmas razons ditas ta o presén d'indicatibo, se consella emplegar como forma de referencia *-ee*, *-ees*, *-ee...* *-een*. Ejemplos: *yo estrucazee*, *tu estudies*, *ella cambee*,... *els carreen*.

Chustificación

As formas en *-eo*, *-eas*, *-ea...* *-ean* ta o presén d'indicatibo e as formas en *-ee*, *-ees*, *-ee...* *-een* ta o presén de suchuntibo son: 1) as más chenerals e comuns en aragonés; 2) as que representan o compromís intermeyo entre as tres barians, fren á ras formas extremas *-ío*, *-eyo* en o presén d'indicatibo e *-íe*, *-eye* en o presén de suchuntibo.

Conchugación de bels verbos

| | Presén d'indicatibo | Presén de suchuntibo |
|------------------------|---------------------|----------------------|
| <i>bandiar</i>: | <i>bandeo</i> | <i>bandee</i> |
| | <i>bandeas</i> | <i>bandees</i> |
| | <i>bandea</i> | <i>bandee</i> |

bandiamos
bandiaz
bandean

bandiemos
bandiezm
bandeen

coxiar:

coxeo
coxeas
coxea
coxiamos
coxiaz
coxean

coxee
coxees
coxee
coxiemos
coxiez
coxeen

estudiar:

estudeo
estudeas
estudea
estudiamos
estudiaz
estudean

estudee
estudees
estudee
estudiemos
estudiez
estudien

cambiar:

cambeo
cambeas
cambea
cambiamos
cambiaz
cambean

cambee
cambees
cambee
cambiemos
cambiez
cambeen